



COMUNU DE QUARTU S. ALENI

**Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.**

## **IGIENE URBANA, QUARTU ADERIT AL BANDU DE SU PNRR PRO SU FINANTZIAMENTU DE 9 NOAS ÌSULAS ECOLÒGICAS**

Noe ìsulas ecològicas distribuidas in totu su territòriu tzitadinu, ma tramudadas pro sa majore ala in su territòriu de Flùmini, subra de su litorale costeri e in s'ala de intro abitada, pro andare addòbiu a is tzitadinos chi bivent in foras de manu, ma fintzas pro limitare su fenòmenu de is muntonàrgios abusivos. Est custu su pranu chi s'Amministrazione comunale àugurat de realizare gràtzias a su finantziamentu de su progetu presentadu a su Ministeru pro sa Transizione Ecològica, in s'àmbitu de su Pranu Natzionale de Ripresa e Resilienza (PNRR).

Cun una deliberatzione de Giunta Comunale s'Amministrazione at formalizadu sa voluntade de partetzipare a s'avisu pùblicu publicadu dae su Ministeru pro sa Transizione Ecològica pro sa presentada de propostas furriadas a su megioru e a sa mecanizatzione de sa rete de collida diferentziada de is refudos urbanos, finanziabile gràtzias a is fundos garantidos a s'Itàlia de s'Unione Europea in s'àmbitu de su PNRR.

Sa Lìnia de interventu A previdet apuntu fintzas sa possibilitade de istudiare interventos mirados caras a s'installatzione de ecocentri mecanizados autogestidos, subra de postazione fissa. Sa distributzione de is ìsulas ecològicas subra de s'intreu territòriu comunale m'ria a megiorare sa diferentziada e avalorare su recùperu de unas cantas castas de refudos. Diat permìtere in prus de cumpletare in manera adeguada unu quadru chi, comente a previstu de su cuntratu in èssere cun sa sotziedade De Vizia, attuale gestore de su servìtziu de igiene urbana in tzitate, cuntemplat giai s'impreu de 3 ecomòbilis.

Sa distributzione ipotizada in su progetu diat permìtere duncas una puntuale dislocazione in s'ampru litorale costeri, ùtile a cuntrastare su fenòmenu de is muntonàrgios abusivos ma fintzas a andare addòbiu

a is bisòngios de is turistas chi ogni istiu sèberant su territòriu nostru pro colare is vacàntzias pròpias. Subra de sa longa costa quartese sunt difatis medas is segundas domos abitadas intamis de sa bella istajone de proprietàrios e pesonantes, sardos e turistas de oltremare. Su progetu previdet chi is noas ìsulas ecològicas funtzionent cun is tèsseras sanitàrias e potzant duncas èssere impreadas dae totus.

A pustis de sa redatzione de is elaborados tècnicu progetuales, afidada e realizzata dae sa sotziedade Gesap Consulting, s'est provididu a sa candidadura pro su finanziamentu de su progetu. S'importu totale de is fruniduras previstas est de 481.679,10 Èuros. Sa realizatzione de su pranu diat permitere de fàghere un'ulteriore passu in antis cara a su giustu cunferimentu de is refudos, cun s'obietivu de su 90% de diferenciada chi diat devènnere semper prus cuncretu e probe.